



Reykjavík, 16. febrúar 2023
SFS23020056

TILLAGA

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Tillaga sviðsstjóra skóla- og frístundasviðs varðandi breytingar á reglum um leikskólaþjónustu

Sviðsstjóri skóla- og frístundasviðs leggur til að gerðar verði eftirfarandi breytingar á reglum skóla- og frístundasviðs um leikskólaþjónustu:

Núgildandi **9. mgr. í 1.a. gr.** er svohljóðandi:

Þá starfrækir Reykjavíkurborg ungbarnaleikskóla fyrir börn á aldrinum 12 mánaða til 3ja ára. Börn geta byrjað í þessum leikskólum allt frá 12-24 mánaða aldri og er miðað við að þau fari í annan leikskóla árið sem þau verða þriggja ára. Ef foreldrar fá ekki úthlutað pláss fyrir barn sitt áður en það nær 24 mánaða aldri færast umsókn í annan leikskóla sem foreldrar hafa valið. Börn innritast í ungbarnaleikskóla eftir kennitölu, þau elstu fyrst, enda uppfylli þau aldursviðmiðið 12 – 24 mánaða. Í upphafi þess árs sem börn í ungbarnaleikskólum verða þriggja ára fá foreldrar bréf með áminningu um að sækja um flutning í annan leikskóla fyrir komandi skólaár. Flutningsumsóknir vegna þessara barna, það er þeirra sem verða þriggja ára á árinu, eru afgreiddar áður en árleg, almenn innritun hefst, fyrir komandi haust sem tryggir þeim pláss í leikskóla fyrir eldri börn.

Lagt er til að orðalag **9. mgr. í 1.a. gr.** verði svohljóðandi:

Þá starfrækir Reykjavíkurborg ungbarnaleikskóla fyrir börn á aldrinum 12 mánaða til 3ja ára. Börn geta byrjað í þessum leikskólum allt frá 12-24 mánaða aldri og er miðað við að þau fari í annan leikskóla árið sem þau verða þriggja ára. Ef foreldrar barna fá ekki úthlutað pláss fyrir barn sitt áður en það nær 24 mánaða aldri, færast umsókn í annan leikskóla sem foreldrar hafa valið. Börn innritast í ungbarnaleikskóla eftir kennitölu, þau elstu fyrst, enda uppfylli þau aldursviðmiðið 12 – 24 mánaða. Í upphafi þess árs sem börn í ungbarnaleikskólum verða þriggja ára *er foreldrum þeirra skylt að sækja um flutning í aðra leikskóla fyrir komandi skólaár og fá foreldrar bréf með áminningu þess efnis.* Flutningsumsóknir vegna þessara barna eru afgreiddar í almennri innritun leikskóla sem fer fram árlega á vorönn. *Ef flutningur í annan leikskóla fyrir eldri börn nær ekki fram að ganga er boðin áframhaldandi dvöl á meðan beðið er eftir pláss.*

Núgildandi **5 mgr. í gr. 1.b** er svohljóðandi:

Leikskólagjöld eru felld niður vegna virkra daga milli jóla og nýárs, vegna barna sem ekki sækja leikskóla á þeim tíma, enda hafa foreldrar sótt um niðurfellingu í Rafrænu Reykjavík fyrir 10. desember ár hvert.

Lagt er til að orðalag **5 mgr. í gr. 1.b** verði svohljóðandi:

Leikskólagjöld eru felld niður vegna barna sem ekki sækja leikskóla á eftirfarandi tímabilum: *Alla virka daga milli jóla og nýárs, alla virka daga í dymbilviku (síðustu vikunni fyrir páska) og alla virka daga í öðru hvoru eða báðum vetrarleyfum grunnskóla (samkvæmt samþykktu skóladagatali vegna grunnskóla Reykjavíkurborgar),* enda hafa foreldrar sótt um niðurfellingu á umsokn.vala.is fyrir tilgreindan umsóknarfrest. *Umsóknarfrestur um niðurfellingu gjalda fyrir daga á milli jóla og nýárs er til 10. desember ár hvert. Fyrir dymbilviku og vetrarfrí grunnskóla er umsóknarfrestur auglýstur með 30 daga fyrirvara og gildir í tvær vikur.*

Núgildandi **7. mgr. í gr. 1.b** er svohljóðandi:

Leikskólastjóri ákveður, að höfðu samráði við starfsmenn og foreldraráð viðkomandi leikskóla, hvort leikskólinn verði opinn allt sumarið eða loki samfelt í tíu til tuttugu virka daga.

Lagt er til að orðalag **7. mgr. í gr. 1.b** verði svohljóðandi

Leikskólastjóri ákveður, að höfðu samráði við starfsmenn og foreldraráð viðkomandi leikskóla, hvort leikskólinn verði opinn allt sumarið eða loki samfelt í tíu til tuttugu virka daga. *Ef leikskólinn sem barnið er í er opinn allt sumarið er unnt að óska eftir að skipta upp sumarleyfinu í tvo hluta. Skilyrði er að annað tímabilið sé að lágmarki fimm virkir dagar og að bæði tímabilin séu innan sumarleyfistímabils, sem er frá 15. maí til 15. september. Beiðni um að skipta upp sumarleyfi barns skal senda til viðkomandi leikskólastjóra.*

Núgildandi **1. mgr. 4. gr. IV liðar** er svohljóðandi:

Starfsmaður leikskóla getur sótt um forgang að leikskólum Reykjavíkurborgar fyrir barn sitt á þar til gerðu eyðublaði. Starfsmaður þarf að uppfylla skilyrði 2. gr. reglna um leikskólaþjónustu um skilyrði leikskóladvalar. Leikskólastjóri í leikskóla starfsmanns þarf að staðfesta umsókn.

Lagt er til að orðlag **1. mgr. 4. gr. IV. liðar** verði svohljóðandi:

Starfsmaður leikskóla getur sótt um forgang að leikskólum Reykjavíkurborgar fyrir barn sitt á þar til gerðu eyðublaði. *Forgangur fyrir starfsfólk leikskóla Reykjavíkurborgar gildir aðeins á fyrstu umsókn um leikskólavist vegna barnsins, ekki þegar sótt er um flutning í annan leikskóla.* Starfsmaður þarf að uppfylla skilyrði 2. gr. reglna um leikskólaþjónustu um skilyrði leikskóladvalar og vera að lágmarki í 50% starfshlutfalli. Leikskólastjóri í leikskóla starfsmanns þarf að staðfesta umsókn. *Umsókn skal senda á netfangið innritun.leikskolar@reykjavik.is.*

Í ákvæðum 2. mgr. gr. 1.a og 3. mgr. gr. 8.b er orðinu þjónustumiðstöðvum breytt í miðstöðvum.

Í ákvæðum 1. mgr. gr. 1.a., 1. mgr. í gr. 1.c, 4. mgr. í gr. 1.c, 2. mgr. 6. gr., 2. mgr. gr. 6.d og 3. mgr. í gr. 6.d verða gerðar þær breytingar að þar sem vísað er til skolarogfristund.is verður vísað til www.reykjavik.is.

Í 5. mgr. í 2.a. er settur inn hlekkur á gjaldskrá fyrir börn íslenskra ríkisborgara með lögheimili erlendis, sjá nánar [gjaldskrá skóla- og frístundasviðs Reykjavíkurborgar](#).

Í ákvæðum 5. mgr. í gr. 1.b, 3. gr., 4. mgr. 5. gr., 1. mgr. í gr. 6.a, 1. mgr. gr. 6.b og 1. mgr. gr. 6.c. verða gerðar þær breytingar að þar sem vísað er til Rafrænnar Reykjavíkur verður vísað til umsokn.vala.is

Í ákvæðum 10. mgr. 6. gr., 1. mgr. í gr. 6.b og 1. mgr. í gr. 6.d verða gerða þær breytingar að þar sem vísað er í fjölskyldunúmer verður talað um lögheimilistengsl.

Í ákvæði 6. mgr. gr. 2.a er númer laga um lögheimili er uppfært í nr. 80/2018.

Framangreindar breytingar gildi frá samþykki borgarráðs að undanþeginni breytingu á 9. mgr. 1. a. sem taki gildi 1. september 2023.

Greinargerð:

Breyting varðandi ungbarnaleikskóla:

Lagt er til að gerð verði sú breyting að foreldrum barna í ungbarnaleikskóla, sem í upphafi viðkomandi árs verða þriggja ára, sé skylt að sækja um flutning í aðra leikskóla fyrir komandi skólaár. Flutningsumsóknir vegna þessara barna verði afgreiddar í almennri innritun leikskóla í stað áður en árleg innritun hefst, líkt og núgildandi reglur gera ráð fyrir.

Breyting varðandi niðurfellingu gjalda:

Lagt er til að leikskólagjöld verði felld niður vegna virkra daga í dymbilviku og vetrarleyfum grunnskóla líkt og gert hefur verið vegna virkra daga milli jóla og nýárs.

Niðurfelling gjalda á einungis við ef í umsókn kemur fram að tekið verði frí allt tímabilið þ.e.

- Alla virka daga í dymbilviku
- Alla virka daga í öðru hvoru eða báðum vetrarfríum grunnskóla samkvæmt samþykktu skóladagatali skóla- og frístundaráðs

Engu að síður er gert ráð fyrir að leikskólar verði opnir á tilgreindum tímabilum.

Sjá jafnframt tillögu sviðsstjóra skóla- og frístundasviðs, ásamt greinargerð, dags. 30. janúar 2023.

Breyting varðandi sumarleyfistíma:

Lagt er til að gerð verði breyting á ákvæði vegna leikskólavistar á sumarleyfistíma. Með breytingunni er lagt til að unnt verði að óska eftir að skipta upp sumarleyfinu í tvo hluta. Skilyrði er að annað tímabilið sé að lágmarki fimm virkir dagar og að bæði tímabilin séu innan sumarleyfistímabils sem er frá 15. maí til 15. september.

Breyting varðandi skilyrði starfsmannaforgangs:

Lögð er til breyting um að forgangur fyrir starfsfólk leikskóla Reykjavíkurborgar gildi aðeins á fyrstu umsókn um leikskólavist vegna barnsins, ekki þegar sótt er um flutning í annan leikskóla.

Jafnframt er lögð til sú breyting á ákvæðinu að sett sé skilyrði að starfsmaður sé í að lágmarki 50% starfshlutfalli til að fá forgang. Í gjaldskrá þar sem kveðið er á um afslátt af leikskólagjaldi er gert ráð fyrir að starfsmaður leikskóla Reykjavíkur sem er í 50% starfshlutfalli eða meira geti sótt um afslátt af leikskólagjöldum.

Breyting varðandi Miðstöðvar:

Þann 1. janúar 2022 var Þjónustumiðstöðvum Reykjavíkurborgar fækkað í fjórar sem hluti af verkefninu Betri borg fyrir börn. Var nafni þjónustumiðstöðvanna þeirra breytt í Miðstöð.

Breyting varðandi vefsíðu:

Lagt er til að í stað þess að vísa til vefsíðunnar skolarogfristund.is sem er ekki lengur virk verði vísað til heimasíðu Reykjavíkurborgar; reykjavik.is.

Tilvísanir í Völu:

Með framangreindum breytingum eru gerðar breytingar á ákvæðum reglnanna þar sem finna má tilvísun í Rafræna Reykjavík en í staðinn verður vísað til umsokn.vala.is

Breyting varðandi fjölskyldunúmer

Með lögum nr. 140/2019 um skráningu einstaklinga var hugtakinu fjölskyldunúmer breytt í lögheimilistengsl. Samkvæmt lögnum er lögheimilistengsl skilgreint sem auðkennisnúmer fyrir þá einingu í þjóðskrá sem tilgreinir sameiginlegt lögheimili ákveðins hóps einstaklinga.

Lögheimilislög:

Númer laga um lögheimili er uppfært í 6. mgr. 2.a.

Gildistaka:

Lagt er til að breytingarnar taki gildi við samþykki borgarráðs að undanskilinni breytingu er varðar ungbarnaleikskóla í 9. mgr. 1.a. Miðað er við að sú breyting taki gildi við upphafs nýs skólaárs eða 1. september 2023. Með því móti mun breytingin ekki taka gildi fyrr en eftir næsta stóra innritunardag leikskóla í mars 2023.

Aðrar breytingar skýra sig sjálfar.